

傷寒論三註

十八卷

士之寄托不遠者其情皆有所溺而不返錦繡軒冕以
榮其身象犀珠玉以悅其目風雲月露以艷其才華靡
曼妖冶以佚其心志其爲致不同所以爲溺則一也由
是存也頽然亡也繭然烏得爲有道之士乎哉豫章劉
子廷實束髮爲諸生祭酒名噪雞林一時鉅公爭相羅
致其於當世人物之高下古今事幾之得失與游厯所
至名山大川風土人情之美惡無不旁搜博覽瞭若指
掌所以恢弘學識而蕩滌胸襟者由來久矣年強仕貢
於成均卽謝咕嚕業視人情之所羨而溺焉者如瓦礫

塗炭吐棄不屑而於參同悟真之旨冥心蒐討超然獨
得間出餘蘊以試刀圭其効如響蓋其於五行六氣生
化妙理既已了然於心故與之縱談天下之故微言清
緒無非攻書也予外舅景行丁公曾爲周子禹載刻於
吳下何乃矜貴若此乎劉子曰是書也板已散佚集無
完好且有以刪其冗而補其闕也予披覽之下計其所
增之法一百二十有七所增之方五十有九可謂備矣
而復附以治疾一書以補傷寒之未逮條分縷晰毫無
剩義非僅三註實四註也然則註之者既有四人矣而

仍命之曰三註者蓋劉子之虛懷若谷也予嘉其志授
之梓因題數語以弁其首云

瀋陽范時崇題

身之於心猶水之於木也

身之於心猶水之於木也

身之於心猶水之於木也

百職之所司不當皆足以害政而小人爲尤甚四時之調攝不齊皆足以害人而傷寒爲尤甚壽國者明乎小人之害政而百務舉矣壽世者明乎傷寒之害人而百病治矣醫自靈樞素問以後不絕如綫蓋遙遙莫可問也至漢有張仲景者著傷寒一經此誠直追金匱玉齒之秘曠百世而相感者也後之註解頗多皆未得其奧卽王叔和號醫中之傑編次尙多未善創之者誠難而註之者亦未易也劉子廷實江右之知名士也弱冠卽補弟子員推其才以拾青紫誠探囊物也忽遇異人授

長生訣遂不慕人間之富貴飄飄有御風之致以醫濟人所至無不奏効癸巳春有三山之遊予探其篋中多養生之書予不甚解最後得其傷寒三註一書乃手鈔也予曰是療輔燮之所存固不瑛辨草木金石之匿味講烹煎吮咀之劑量而後知其爲國能也豪莊有云嗜欲深者天機淺若劉子者非所謂無欲而靜虛靜虛而明通者歟來遊於閩著作盈篋其傷寒論三註一書辨證攷方刪繁補缺真足闡張氏之精微而廣方喻周三子所未備宜蒼巖先生之聞絃賞音而急爲表章也余

素不知醫於書之奧旨無所發明願昔張燕公之于孟
浩然賀監之於李白柳子厚之於符載杜牧之於李仲
吉徒慕其詞藻不惜委曲以成其名視劉子不溺于俗
情而有功利濟者瞠乎後矣余既嘉劉子之善全其天
而尤多先生之相尚以道也於是乎書覺羅滿保

[illegible]

壬辰孟冬

壁

有三山之遊邂逅

大中丞滿公晨

夕三閱月因得拜瞻

范少保忠貞公祠讀奏議

及畫壁諸編經術湛深性命蘊奧無不貫通融會

第覺凜凜節義弘猷偉烈透溢楮墨間也今茲

少司馬范公總制閩浙凡其規爲盡善克纘克承後

先輝映令人忠孝之心油然而生繼得親炙夫

公之休光乃不以

壁

爲駑鈍而進教之慇懃延接禮

有加焉顧

壁

迂拙性成學殖荒落困蹟棘闈者三

十載自分無用於當世遂留心醫學以期少伸素

志而渺見寡聞於前人之藩籬未能窺其萬一

公則博覽弘通每當清讌之餘獲領緒論其闡發精

微雖國能有勿及者一日見

璧

手錄傷寒論三註

反覆披覽慨然曰此予外舅總制丁公所刻也習

醫者若得此書如著裘挈領舉網提綱通之他證

迎刃而解矣惜原版散佚海內無從購求子藏之

笥篋曷若詳訂以公諸世豈不甚善

璧

乃踴躍受

命思夫醫之理脩於五行成於六疾道雖小而可
通於國在昔文正公有云不能爲宰相卽願爲良

醫旨哉非以天下爲已任未易有是語也今

天子恩膏廣被倫肌浹髓文德武功洋溢方外羣生沾
濡久已躋斯民而登于仁壽之域猶且視民如傷
常若有瘡痍之未盡起者豈非視天下如一家視
四海如一身也耶古邳隆之世賡歌喜起太和翔
洽而沴氣自消庶徵來備而咎徵胥化以

聖天子之建中表正萬國咸寧德洋恩溥感召休和而
公實以鹽梅舟楫之材綏服南國凡所爲裁成輔相
者卽造化之樞機亦有以制其過補其不及而是

書之復梓也適成於此日其足贊勳化理者豈淺
小而已哉璧用是潛心考核刪其繁冗存其粹精
補其闕畧間有剩義附以管見庶長沙之典教炳
如日星三家之註釋昭焉如揭而益嘆

公之繼志述事不僅篤于乃祖乃父而且及于其親
真可謂親親而仁民仁民而愛物者豈非良醫良
相之功兼而有之乎璧櫟庸材此行也自愧放
浪形骸蹉跎歲月然賴有此舉不虛所遊矣書成
遂拜手而誌其事西江劉宏璧

漢張仲景先聖傷寒論

方中行

喻嘉言 三先生註

周禹載

瀋陽范時崇蒼巖鑒定

豫章劉宏璧延實刪補

山陰姜 奎伯達

雲間張世鳳儀廷

吳閬范 濬深原參訂

嘒城顧佳曾方侯

會稽章泰階曼亭

山陰吳乘權楚材

魏塘郁世畿南州

會稽范昌鼎德凝

三韓佟 鉞秉虔

會稽范龍驤維德

會稽沈世燦雲若較閱

漢長沙太守張機仲景先聖傷寒論

方有執中行

喻昌嘉言三先生註

周揚俊禹載

瀋陽范時崇蒼巖鑒定

山陰姜孟伯達雲間張世鳳儀延

吳閬范濬深原膠城顧佳曾方侯

三韓佟鉞秉虔宜豐裘曰菊見山

萬寧孫用霖沛蒼南州劉思遷于喬